

摘藻堂四庫全書薈要

集部

欽定四庫全書薈要

集部

劔南詩豪卷

四十一

詳校官助教臣謝登雋



欽定四庫全書薈要卷一萬五千五百三十

集部

劍南詩藁卷四十

宋 陸游 撰

夜雨

濃雲如潑墨急雨如飛鏃激電光入牖
轟雷勢掀屋漏涇恐敗書起視自秉燭
移牀顧未暇盆盎苦不足不如卷茵席
少忍待其復飛螢方得意熠熠相追逐
姑惡獨何怨菰叢聲若哭吾歌亦已悲
老死終碌碌

昔人有畫醉僧醉道士醉學究者皆見于傳記及
歌詩中予暇日為各賦一首

醉僧

殘雪覆枯顱手扶短櫛栗送酒無蘇州一醉未易得青
旗獵獵秋風吹長瓶一吸亦足奇但辨道傍常醉倒不
須解作藏真草

醉道士

落托在人間經旬不火食醉後上江樓橫吹蒼玉笛大

口如盆眼如電九十老人從小見曾攜一鶴過岳陽滿
城三日聞酒香

醉學究

聖師飲百觚儼然常齋莊弟子習禮餘兕觥躋公堂至
今遺風被洙泗諸生雅歌老儒醉衣冠簡朴未可輕安
知中無魯二生

次季長韻回寄

野人蓬戶冷如霜問訊今惟一季長舊好自均親骨肉

新知何怪薄心腸開書字字論疇昔遣使年年有故常
萬念知公掃除盡見哀底事獨難忘

溪上小酌

岸幘出籬門投竿俯溪瀨魚聚忽千百鳥鳴時一再新
涼杜竈香亦有雉兔賣歡言洗杯酌又破止酒戒

齋中夜賦

高居終日掩齋扉幽事常多俗事稀露重叢篁時自瀉
風高脫葉有先飛秋衣漸製聞砧杵社肉初分謝蕨薇

却笑老身閑不得一燈明滅亂書圍

讀舊稟有感

我少則嗜書于道本無得譬如昌歆芟乃自性一癖老
來百事廢惟此尚自力豈惟絕慶弔乃至忘寢食吟哦
雜誦咏不覺日既夕文辭顧淺懦望古空太息世俗不
可解更為著金石收歛固已遲雖悔終何益君看老農
夫法亦傳后稷持此少自寬陶然送餘日

新秋

秋氣入清笳旗亭酒可賒長歌穿小市短帽挿幽花溪
女留新蟹園公餉晚瓜誰知閑老子解作醉生涯

陳阜卿先生為兩浙轉運司考試官時秦丞相孫
以右文殿脩撰來就試直欲首送阜卿得予文卷
擢置第一秦氏大怒予明年既顯黜先生亦幾蹈
危機偶秦公薨遂已予晚歲料理故書得先生手
帖追感平昔作長句以識其事不知哀涕之集也
冀非當年浩莫分斯人一顧每空群國家科第與風漢

天下英雄惟使君後進何人知
大老橫流無地寄斯文
自憐衰鈍辜真賞猶竊虛名海內聞

書喜

乞得身歸鏡水濱
此生真作葛天民
眼明身健何妨老
飯白茶甘不覺貧
瓦酒又芻三斗熟
園花時報一枝新
挂冠更作黃冠計
多事常嫌賀季真

又

已向煙霞著脚深
世間萬事不關心
舊攜鴉觜供鉏藥

新典魚須用買琴井上引藤初滿架池南移竹漸成陰
話行不必須今日五百年間有賞音

幽居

萬家水竹古山陰揀得幽居愜素心梁燕委巢知社近
井桐飄葉覺秋深琴緣廢久塵常積書為開稀蠹漸侵
幸自杜門無一事不須清夜感衣砧

雜興

病養精神過服藥貧知儉約勝營生臯夔事業今何有

且與心君致太平

又

東家飯牛月未落西家打稻雞初鳴
老翁高枕葛幘裏炊飮熟時猶鼾聲

又

算年常苦睡為崇好事新分安樂茶
更得小瓢吾事足

山家風味似僧家

曾召南提幹近
送安樂茶來

又

蛟鱷垂涎歷畏塗如今歡喜去攜鋤一生患難休回首
尺似元符曾上書

贈鷺

雪衣飛去莫匆匆小住灘前伴釣蓬禹廟蘭亭三十里
相逢多在暮煙中

贈鵲

為梁星渚自何年毛羽摧傷不怨天知我齋餘常施食
翩然飛下北窗前

東堂睡起

置身事外息吾黥獨臥空堂一榻橫
簷影漸移知日轉樹稍微動覺風生
每從山寺開經帙間就園公辨藥名
若論胸中淡無事八珍何得望藜羹

五鼓起坐待旦

睡覺初聞雞一鳴披衣危坐待窗明
殘軀已向閑中老癡夢猶尋熟處行
南北迢迢悲往事古今莽莽歎浮生
伯倫一鍾君休笑冢象祁連亦已平

功名

少年妄意慕功名老眼看來一髮輕
金甲雖如朝邑尉羊裘終媿富春生
連娟落月依山盡寂寞寒潮蘸岸平
要識放翁新得意蓼花多處釣舟橫

搔首

玩畫無餘易聞歌已盡詩古人不可作
此理孰能推白髮秋風裏青燈夜雨時
初心竟當負搔首歎吾衰

小雨釣歸

雨點鳴叢葦雲頭冒遠山兒曹出籬望老子榜舟還潤
入園畦裏涼生窗戶間秋陽方可畏徙倚一開顏

曉賦

八月江湖風露秋時聞脫葉下梧楸離離斗柄西南指
爛爛天河今古流人語正謹過古埭

湖桑埭五鼓聞
挽船聲甚急

角

聲三弄下譙樓百城已共豐年樂一老猶懷卒歲憂

急雨

父老謂雲逆風則
必雨驗之信然

雲從西南興風自東北至老農占雨候速若屈伸臂亂

點俄打窗新涼已生袂經旬苦肺渴得此亦少慰呼兒
持故襦買酒具一醉薄言煮園蔬雉兔未可議

遣興

幾看人間歲月新釣船猶繫鏡湖濱曾穿高帝朝元仗
却作山陰版籍民留病三分嫌太健忍飢半日未全貧
早知畫繡能為崇翁子終身合負薪

又

湖海元為汗漫遊誤恩四領幔亭秋掃空薄祿始無媿

閉上衡門那得愁
湯嫩雪濤翻茗椀
火溫香縷上衣篝
牀頭亦有閑書卷
信手拈來倦即休

又

掃盡衣塵喜不勝
村居終日醉騰騰
閑投鄰父祈神社
戲入群兒鬪草朋
幽徑有風偏愛竹
虛堂無暑不憎蠅
悠然又見江天晚
隔浦人家已上燈

又

久矣微官絆此身
柴車歸老亦逢辰
阮咸臥摘孤風在

白墮閑傾一笑新
萬里馳驅曾遠戍
六朝涵養忝遺民
清閒即是桃源境
常笑淵明欲問津

讀林逋魏野二處士詩

君復仲先真隱淪
筆端亦自斡千鈞
閑中一句終難道
何況市朝名利人

紙墨皆漸竭戲作

官庫誰能餉陟釐
漢宮無復賜隄廩
不如掃盡書生事
閑伴兒童竹馬嬉

讀隱逸傳

終南處士入都門
少室山人補諫垣
畢竟只供千載笑
石封三品鶴乘軒

泛舟至東村

野水如天遠
漁舟似葉輕
颼颼風漸冷
淡淡月初生
沙際樵蘇路
籬間語笑聲
還家已薄暮
燈火照柴荆

自詒

健忘閒何害
貪眠老正宜
本心惟泥酒
餘習略存詩
未

金方山先生集卷四十
廢春農業猶堪幼學師微官何所戀請老五年遲

野興

荷鋤通北澗腰斧上東峯秋水清見底曉雲深幾重
蓼傳社鼓渺渺度樓鐘歸覓村橋路詩情抵酒濃

讀書

平生愛客如愛書力雖不逮意有餘門前車馬久掃迹
老病又與黃卷疎人情冷煖可無問手不觸書吾自恨
今年入秋風雨頻燈火得涼初可近年過七十眼尚明

天公成就老書生舊業雖衰猶不墜
夜窗父子讀書聲
客有見過者既去喟然有作

鬢毛俱白盡事不補秋毫去死今無幾
歸耕何足高已如陶止酒徒勸屈
鋪糟惟有滄溟去揚帆觀雪濤

又

永日安耕釣餘年迫耄期
研朱點周易飲酒和陶詩帶
箭歸飛鶴搯牀不瞑龜
此生君看取死是出門時

秋陰

淡日披朝霧輕雲結暮陰
菰蒲溪路暗松竹草堂深
妙墨雙鉤帖奇聲百衲琴
古人端未遠一笑會吾心

八月九日晚賦

薄晚悠然下草堂
綸巾鶴氅弄秋光
風經樹杪聲初緊
月入門扉影正方
一世不知誰後死
四時可愛是新涼
從今覓醉其當勉
酒似鵝兒破殼黃

燕坐

赫日曛曛湧海門
黃流混混汭河源
功成一日書仙籍

鍊骨成金不足言

村飲

不來東舍即西家
野老逢迎一笑譁
試說暮年如意事
細傾村釀聽私蛙

又

無念無營飽即嬉
老翁真箇似嬰兒
昏鐘未動先酣枕
日上三竿是起時

又

買來新兔不論錢，釣得鮮鱗細柳穿。
野店渾頭更醇醖，一杯放手已醺然。

又

淡煙孤榜繫村橋，疊疊沙痕印落潮。
最是——年秋好處，踏泥沽酒不辭遙。

秋雨益涼寫興

秋氣蕭蕭暑已歸，晚雲更送雨霏微。
牀收珍簟敷菅席，筍疊纖絺換熟衣。
遙醉縱橫馳筆陣，乘閒談笑解棋圍。

出門未免流年嘆又見湖邊木葉飛

薪米偶不繼戲書

仕官不諧農失業敗屋蕭蕭書數篋藜羹不糝未足嗟
爨竈無薪掃枯葉丈夫窮空自其分餓死吾肩未嘗脅
世間大有乞墻人放翁笑汝驕妻妾

牧牛兒

溪深不須憂吳牛自能浮童兒踏牛背安穩如乘舟寒
雨山陂遠參差煙樹晚聞笛翁出迎兒歸牛入圈

與兒子至東村遇父老共語因作小詩

桑竹穿村巷，衡茅隔土垣。
海氛成物象，秋氣肅川原。
豆芋行將熟，雞豚亦已繁。
豐凶歲所有，農事更深論。

微雨午寢夢，憇道傍驛舍。
若在秦蜀間，慨然有賦。
吳中秋晚雨，冥冥自笑閒。
愁又爾，馨身世已歸南北陌。
夢魂猶寄短長亭，濁醪可釀樽。
餘綠明鏡無情，鬢失青。
賴有釣船堪送老，一燈鷗鷺共忘形。

晨起對鏡

雙鬢成絲高頰顴曉窗臨鏡意茫然朱顏豈是一朝去
暗鑠潛消五十年

村思

揣分新辭祿扶衰又度秋已將窮博健更賴學忘憂船
護煙陂鴨欄歸草徑牛作勞何以慰茅店問新筍

秋夜

倦叟投牀早昏燈落燼頻鵲翻驚缺月犬吠逐行人未
喪詩書業猶存老病身菊花行可醉作意插烏巾

醉中書懷

既老心愈空新涼體差健登山每嗔扶對按亦強飯平生百事嬾惟酒不待勸迨此桑落時一醉適我願羸然雲水身本非朱紫揜少猶恥枉尺老敢欺方寸但令死瞑目餘事何足論不見鹿門翁全家事潛遜

次韻鄭盱眙見寄并簡其甥劉君

衣上空嗟京洛塵故交半作白頭新衆中初得見吾子東觀已疑無若人仗馬極知非久斥沙鷗要是孰能馴

兩章英妙同時到趙壹囊中却未貧

書齋壁

平生憂患苦縈纏菱刺磨成茨實園

俗謂困折多者謂菱角磨作雞頭

天下不知誰竟是古來惟有醉差賢過堂未誤鐘將覺
睨柱寧知壁偶全自笑為農行沒世尚如驚雁落空弦

一老

太平一老醉騰騰南陌東阡喜不勝民力農桑家自足
士崇名節道方興騎鯨仙去時猶遠射虎歸來氣頗增

莫道幽棲交舊絕月中亦有打門僧

戲用方外語示客

紅粟青錢一掃空
灑籬行賣學龐翁
身居本地風光裏
愁擲他方世界中
剩欲劇談明不二
誰能太息賞無同
踞牀一喝君聞否
三日猶應覺耳聾

秋晚

西山破曉兩眉青
南浦無風一鏡平
食盡不容添鶴口
身閒且免負鷗盟
霜前草樹已無色
雨到菰蒲先有聲

只怪勝遊頻入夢今朝蜀客話青城

故人范中立巨山自青城來見訪

又

辭祿始知貧有味杜門不覺老相催寒鴉已占雁前到
黃菊猶須霜後開團扇塵埃高挂壁短檠書史亂成堆
羸軀自笑癡頑甚撐拄新寒又一回

又

世事無窮似奕棋不如常采故山芝蕭蕭雞犬三家聚
莽莽風煙十里陂幸有濁醪從客醉常憂黠鬼笑人癡

清秋樂處君知否庭下幽花漸可移

次金溪宗人伯政見寄韻

道義流聞意已傾豈知晚歲託齊盟六經日月未嘗蝕
千載源流終自明汝水家家書有種吾宗世世士知名
讀君長句還增氣俗耳那聞韶護聲

新寒

碧蝶飛飛過短籬山薑石竹有殘枝誰知老子閒眠處
恰是新寒細雨時

又

安石榴房初小坼南天竺子亦微丹新寒漠漠偏欺老

睡起無風怯倚欄

南燭草本俗謂之南天竺李端
叔取以名僧軒蓋用俗語也

村鄰會飲

陸子白首安耕桑樂事遽數烏能詳長羅家家雪作麵
畫楫處處青分秧迎荻船歸潮入浦祈蠶會散月滿廊
有時隣曲苦招喚茅簷掃地羅壺觴堆盤珍膾似河鯉
八鼎大臠勝胡羊披緜黃雀麴糝美斫雪紫蟹椒橙香

老人飽食可無患
摩挲酒瓮與飯囊
兒孫扶持遞相送
笑語無間歌聲長
人間哀樂不可常
掠剩有鬼在汝傍
常憂水旱虞螟蝗
力行孝悌招豐穰

試筆

烹葵飯豆飽懷休
弄筆翻書歲又秋
靈府湛然如止水
擬將何地著閒愁

又

紅絲玉斗紫毫鉞
歲晚相從味更長
不似樂天歸老日

柳枝駱馬兩堪傷

孤村

老寄孤村裏悠然卧曲肱
筭貧先放鶴嫌閑併疎僧
古戍高秋笛寒窗半夜燈
平生羞詭遇多獲豈吾能

絕祿以來衣食愈不繼
小兒力圖之殊未有涯予
謂不若痛節用爾示以此詩

處世吾傷拙營生汝亦疎
如謀道邊舍似信枕中書
甕牖居疑泰藜羹食敢餘
晏嬰元學墨勿負此心初

予宿疾多已失去獨氣痛時作賦詩自寬

疾久難全去扶持度歲年垣牆完罅隙七筋禁芳鮮漸
減觀書課常儲買藥錢鄉人多不識誰與問沉縣

秋懷十首末章稍自振起亦古義也

皇天本無心萬物各有時飛鴻何預人南翔每如期仰
看霜露墜俯觀草木衰英英籬下菊秀色獨滿枝豈無
一尊酒相與斟酌之耄老天所佚行歌復何疑

又

暑退財幾時忽已迫霜露西風一何厲落葉紛滿路老
翁衰可笑日夜念墮戶衣裘先關懷膏火亦當具酒尤
不可緩傾聽糟牀注供槃柿栗耳何敢議雉兔

又

雨滴大梧葉風轉孤蓬窠秋色固悽愴二物感人多日
月行黃道倏過如飛梭大計百年間貴賤俱銷磨東家
及西舍更代哭與歌若無杯中物如此搖落何

又

身如行脚僧放包即為家家如道邊店蕭然寄天涯居
室如小舟風扉艣謳啞坐傍陳琴書庭下栽雜花儉陋
雖可笑在我則已奢何以善吾生念念思無邪

又

遇酒幸一醉遇飯幸一飽或遇空無時豈復有他巧鄉
鄰哀其窮叩戶餽糜麩欣然出舍傍菰韭青落爪飢羸
曾未起吟諷已稍稍袖手北窗前枯腸困搜攪

又

秋高天薄寒夾衣已出笥團團素紈扇時至自當棄明年機中練與我亦何異宮妾感物悲此豈丈夫事吾曹一出門所遇皆有義夷齊死千年高風邈難嗣

又

辟塵當以犀濯纓當以水龜堂一炷香世念去如洗人生天地間太倉一稊米哀哉不自悟役役以至死孰能從我遊趺坐燔柏子夜半清磬聲悠然從定起

又

改朔甫再宿月見西南隅纖纖一銀鉤挂空疑有無我
行青楓岸遠水浮雙鳬新寒入短衣感此風霜初頗欲
呼小艇東村行芋區衣薄且言歸煙火望吾廬

又

短蓑榜輕舟時過野僧舍長衫挂數珠亦入法華社平
生無揀擇生死均早夜餘年猶幾何久已付造化常嫌
樂天佞却肯退之罵君看佛骨表自是無生話

又

我昔聞關中水深土平曠涇渭貫其間沃壤誰與抗桑
麻鬱千里黍稷高一丈潼華臨黃河古出名將相淪陷
七十年北首增慘愴猶期垂老眼一覩天下壯

九月七日子坦子聿俱出斂租穀雞初鳴而行甲
夜始歸勞以此詩

仲秋穀方登螟生忽告飢難難冀一飽俯仰事已非貸
糧助耕耘客主更相依一旦忽如此欲語涕屢揮共斂
螟之餘存者牛毛稀吾兒廢書出辛苦幸庶幾夜半聞

具舟憐汝露溼衣既夕不能食念汝戴星歸手持一杯
酒老意不可違林瘦酒味薄食少雞不肥頗聞吳中熟
多稼徹王畿亦欲就飽處無羽能奮飛官富哀我民榜
笞方甚威渠亦豈得已撫事增歔歔

醉題埭西酒家

陣陣新寒入布裘偶乘小醉得閒遊丹楓落日野橋晚
斷雁溼雲江路秋馬得一鳴何恨斥金經百鍊豈容柔
不知千載塵埃裏更有吾曹強項不

又

桑麻蒙翳不通鄰
耽酒頽然一老民
遣客方眠那是醉
有衣可典未為貧
曬翎斜日鷗來熟
印接平沙雁到新
君看此間何境界
癡人猶說吐車茵

秋晚

庭草猶殘綠
溪楓已半丹
誰知此翁健
又見一年寒
幻境槐安夢
危機竹節灘
如今渾過盡
摩腹且加餐

省事

省事漸捐書甘貧學藝蔬心安閒夢少病去俗醫疎兀
爾遊方外超然到物初此身猶是幻况復愛吾廬

晨起頗寒飲少酒作草數幅

衣食無多悉自營今年真箇是歸耕屏居大澤群鷺息
乍得清寒百體輕橋北潦收波淺碧埭西霜近葉微頽
一杯弄筆元無法自愛龍蛇入卷聲

往事

海內橫流日吾猶及建炎衆醫雖共視久疾固難砭點

虜方觀釁行宮未解嚴時平逾五紀話此涕常霑

步至東莊

澤國寒雖晚霜天已迫冬
麴花雪無際稻米玉新春
身已風中葉人方飯後鐘
兒能哀老子努力事春農

秋思

門巷蕭條秋色深黃花始欲慰孤斟
久貧自笑不妨樂過足固知非
所欽琴調已忘還漸省詩聯未穩
更長吟

吾兒西上無多日安得相從老故林

時子虞將
調官臨安

又

日落江城聞擣衣
長空杳杳雁南飛
桑枝空後醅初熟
豆莢成時兔正肥
徂歲背人常冉冉
老懷感物倍依依
平生許國今何有
且擬梁鴻賦五噫

讀退之人不知古今馬牛而襟裾之句有感

書生獨占世間癡
過計私憂無已時
知盡古今成底事
空將血淚向人垂

病愈看鏡

鏡中稍復舊朱顏一笑衰翁乃爾頑三百甌壺消未盡

不知更著幾年還

舊傳貧士死見陰吏為言當還魂有三百甌壺祿料未盡

讀韓致光詩集

渺莽江湖萬里秋玉峯老子弄孤舟猶勝宿直金鑾夜
凜凜常懷潑酢憂

逆旅書壁

驢鞍懸酒榼僮背負衣囊但說市朝變不知岐路長下
程先施藥拂榻靜焚香明旦又西去河橋秋葉黃

又

騎驢萬里行歲一過秦城下杜貰春酒新豐聞曉鶯綠
槐新巷陌白骨幾公卿欲覓曲江水連雲永黍生

初寒老身頗健戲書

一身百病老難支病減身輕偶此時窗暖不妨聊假寐
囊空久已罷招醫山爐嶢絕香生岫鑿研坡陀墨滿池
箇裏生涯君莫厭癡人至死不曾知

又

過雁聲悲落葉稠孤村景物更禁秋窮諳客路風塵惡
老判人間歲月遒酒號賢人真古語疾為豎子豈吾憂
山房幸有初寒備且傍篝爐擁褐裘

子龍求煙雨軒詩口占絕句

烏柏迎霜已半丹哦詩終日合憑欄霜高木落應尤好
長挂西窗更怕寒

又

規模正似釣魚菴把酒纔容客二三若比東偏參倚室

此中猶自覺眈眈

參倚蓋子聿
書室名也

劔南詩豪卷四十

欽定四庫全書薈要卷一萬五千五百三十一

集部

劔南詩豪卷四十一

宋 陸游 撰

居室甚隘而藏書頗富率終日不出戶

掩關小室動經旬蠹簡如山伴此身百億須彌藏粒芥
大千經卷寓微塵危機已過猶驚顧惡夢初回一欠伸
此段神通君會否聽風聽雪待新春

又

椰子微軀有百窮平生風際轉枯蓬
豈知蟬腹龜腸後更寄蜂房螳穴中
學儉久判羹不糝憚煩惟欲寐無聰
積書充棟元無用聊復吟哦答候蟲

無酒歎

不用塞黃河不用出周鼎但願酒滿家
日夜醉不醒不用冠如箕不用印如斗
但願身強健朝暮常飲酒造物不少怨
虐戲逐段新坐令古銅槥經月常生塵
平生得酒狂無敵百幅淋漓風雨疾造
物欲以醒困之比老醒

狂君未知

讀書

古人已死書獨存吾曹賴書見古人後之視今猶視古
吾書未泯要有取賈生痛哭漢文時至今讀之有餘悲
魏徵嘻笑封德彝生亦豈責絳灌知窮秋風雨臥孤館
萬世悠悠百年短垂死成功亦未晚安知無人歎微管

醉賦

霜楓照茅屋露菊插紗巾今古無窮事江湖未死身直

今依馬磨終勝拜車塵我亦輕餘子君當恕醉人

掩扉

久卧空山獨掩扉
迺疎不恨世相違
新霜巷陌鳥烏樂
小雨園畦菰芥肥
驥病極知當伏櫪
鷗閒誰與共忘機
一編蠹簡從吾好
又見西窗挂夕暉

六經

六經聖所傳
百代尊元龜
諄諄布方策
一字不汝欺
抱書入家塾
自汝兒童時
老乃幸不驗
愚哉死何悲

又

秦人燔六經非與經為仇方其勇決時亦為子孫謀
斂金鑄巨人豈復畏鉏耰千載惡名在尚與黃河流

舟中作

沙路時晴雨漁舟日往來村村皆畫本處處有詩材
炊黍孤煙晚呼牛一笛哀終身看不厭岸幘興悠哉

秋晚

門巷清如水情懷淡似秋詩吟唐近體談慕晉高流
託

命須長鏡浮家只小舟江南煙雨岸何處不堪留

又

木落寺樓出江平沙渚生牛羊下殘照鼓角動高城寒
至衣猶質憂多夢自驚群胡方鬪穴河渭幾時清

西窗獨酌

却掃衡門歲月深殘骸况復病交侵平生所學為何事
後世有人知此心水落枯萍黏破塊霜高丹葉照橫林
一樽濁酒西窗下安得無功與共斟

冬初薄霜病軀益健欣然有賦

古服追隨野老歡
豎裁布褐縮縫冠
霜清頓洗肺肝熱
木落更知山澤寬
斗酒敢言嫌魯薄
杯羹聊得學吳酸
一貧自是書生分
忍媿看人却似難

一錢

萬事紛紛不足論
滿庭枯草閉柴門
一錢留得終羞澀
持買饑餒引福孫

燈下讀書戲作

吾生如蠹魚亦復類熠燿一生守斷簡微火寒自照區
區心所樂那顧世間笑閉門謝俗子與汝不同調

遊近山

羸病知難賦遠遊尚尋好景送悠悠亂山孤店雁聲晚
一馬二童溪路秋掃壁有僧求醉墨倚樓無客話清愁
殘年敢望常強健到處臨歸為小留

示兒子

祿食無功我自知汝曹何以報明時為農為士亦奚異

事國事君惟不欺道在六經寧有盡躬耕百畝可無飢
最親切處今相付熟讀周公七月詩

寄涑陽周丞文璞周寄詩卷殊可喜

滿握珠璣何自來晴窗初喜拆書開信哉天下有奇作
久矣名家多異才隔閼經年如許進超騰他日若為陪
山陰道上霜天好安得相從賦早梅

旅思

支遁山前看月明葛洪井上聽松聲廢亭草滿青驄健

野店燈殘寶劒鳴萬事竟當歸定論寸心那得媿平生
悠然酌罷無人語寄意孤桐一再行

東村步歸

野渡霜風冷茆簷夕照明催科醉亭長聚學老書生山
果紛丹漆村醪任濁清路回家忽近柳外小橋橫

又

風陣鴉翻黑霜林葉半丹筋骸欣小健裘褐戒初寒代
步雞栖足充飢鶴料寬平生自如許況已挂吾冠

觀方外書

司馬遺書有坐忘顓翁止觀畧相當龜堂閉戶常終日
時得相從一炷香

午睡初起

曲腰桑上午雞鳴喔喔還如報五更睡起展書摩病眼
油窗喜對夕陽明

又

舍中未報壓新醅閒弄流塵榼葉杯得醉固佳醒亦好

了無一事到靈臺

暮秋遣興

改盡朱顏白盡頭
杜門亦復弊貂裘
斷鴻影外玉關月
病驥嘶中青海秋
孤坐向空書咄咄
閒吟隨處送悠悠
如虹壯氣終難豁
安得雲濤萬里舟

又

平生南地慣羈遊
放浪常同不繫舟
鼉作夜風經沌口
鶴鳴秋雨宿杭頭
方傾意氣輕秦俠
俄困悲傷類楚囚

買屋數間聊作戲，豈知真用作菟裘。

種蔬

老翁老去尚何言，除却翻書即灌園。
處處移蔬乘小雨，時時拾礫繞頽垣。
江鄉地暖根常茂，旱歲蟲生葉未繁。
四壁愈空冬祭近，更催穉子牧雞豚。

起晚戲作

睡到僧廊響木魚，莊周蝴蝶雨蘧蘧。
數聲林下華亭鶴，一卷牀頭笠澤書。
雲子甌香炊熟後，露芽鷗淺點嘗初。

若論身逸心無事臺省諸公恐不如

老歎

八十未滿七十餘山巔水涯一丈夫長鳴未免似野鶴
生意欲盡如枯株臨安宮闕經營初銀鞍日日醉西湖
不須細數舊酒徒當時兒童今亦無

新治暖室

小堂穩暖紙窗明低幌圍爐亦已成日閱藏經忘歲月
時臨閣帖雜真行詩才退後愁酣戰酒量衰來喜細傾

從此過冬那復事夜深時聽雪來聲

暖閣

裘軟勝狐白爐溫等鴿青

宮中供爐炭用
胡麻文鴿鴿青

紙屏山字樣

布被隸書銘養目簾稀卷留香戶每局日晡濃睡起盥濯誦黃庭

自詠

朋舊凋零盡乾坤偶脫遺食新心竊喜話舊語多悲泥醉醒常少貪眠起獨遲閉門誰共處枕籍樂天詩

王元之自

言在商州讀老莊
外枕藉白樂天詩

夜坐

白首仍多病青燈獨掩扉
雲低聞雁過雨急待兒歸

初冬有感

衰髮蕭蕭滿鏡絲情懷非復似平時
風霜十月流年感

礎杵三更游子悲閩嶠故人消息惡
傳聞方伯
暮病卒蜀江遺

老素書遲

張季長居唐
安歲常通書

一簞豆飯休嫌薄賦分羈窮合

自知

又

我冠本願致唐虞白首那知墮腐儒碌碌不成千載事
駸駸又見一年徂無僧解輟齋厨米有吏頻徵瘦地租
要信此翁頑到底只持一笑了窮途

題酒家壁

智若禹行水道如丁解牛蘧蘧幾春夢泛泛一虛舟事
定憂何益狂來醉始休青帘誇酒美且復共登樓

冬初出遊

風聲如雨曉颼颼萬葉丹楓滿瓦溝西望牛頭三十里
一枝柔艣作閒遊

又

蹇驢渺渺涉煙津十里山村發興新青旂酒家黃葉寺
相逢俱是畫中人

早飯後戲作

湯餅滿盃肥荳香更留餘地著黃梁解衣摩腹西窗下
莫怪人嘲作飯囊

又

髯鬚主簿方用事
冰壺先生來解圍
蠻童取火炷香椀
不讀南華誰與歸

擬古

牛跡可使園羊角
可使直惟使剛者
柔造物不可得世
方貴軟熟剛實不
可為為剛死道傍
已矣何所悲

又

君看一鈎絲能得
幾日絡君思幾州
鐵打此一大錯目

前豈不快後悔將奈何我非通神明比汝更事多

又

寧忍千日飢野葛不可烹寧枉百里途捷徑不可行自
古風俗壞善士亦淪胥橘柚禹包貢後世稱木奴

又

坐臥北窗下百事廢不治脫粟與大布衣食裁自支溫
飽豈不欲違道予心悲地下見先人所冀尚有辭

東村

野人知我出門稀
男輟鉏耰女下機
掘得茈菇炊正熟
一杯苦勸護寒歸

又

野人喜我偶閒遊
取酒匆匆勸小留
舍後攜籃挑菜甲

門前喚擔買梨頭

村人謂小梨為梨頭

倚闌

滿庭晴日破朝寒
粥罷披裘小倚闌
殘菊抱叢香欲盡
一株南燭獨如丹

霜寒不能出戶偶書

垂老仍多病濃霜得快晴猶能按菊醉

今年菊晚十月末猶有花

但

負探梅行篝火烘裘暖油窗潑眼明小兒殊可喜和我
讀書聲

冬晴與子坦子聿遊湖上

湖邊細靄弄霏微柳下人家晝掩扉乘暖冬耕無遠近
小舟日晚載犁歸

又

村南村北紡車鳴打豆家家趁快晴過盡水邊牛跡路
嶺頭猿鳥伴閒行

又

道邊白水如牛渚知是山泉一脉來曾挈風爐并石鼎
桃枝竹裏試茶杯

又

海山山下百餘家垣屋參差一帶斜我欲往尋疑路斷
試沿流水覓桃花

又

老僧八十無童子禮佛看經總不能雙手了又出迎客
自稱六十六年僧

又

一榼無時可醉吟一藤隨處得幽尋先須挽取銀河水
淨洗人間塵霧心

夢蜀

夢飲成都好事家新粧執樂雁行斜頰肩郫縣千筒酒

照眼彭州百駝花醉帽傾歌未闕罰觥漱灩笑方譁
霜鐘喚覺晨窗白自怪無端一念差

歲晚

無窮世事浩難量歲晚沉綿臥草堂短褐圻圖移曲折
故書經蠹失偏傍賣刀擬買春耕犢挾筴曾亡舊牧羊
點檢生涯還自笑菜畦殘葉帶新霜

吳中冬
蔬常茂

又

扶藤據几久支離敢料駸駸迫耄期面槁自丹天所借

齒搖復住力何施
花前鯨吸猶堪酒
窗底蟬嘶未廢詩
浮世極知誰不死
比君終按幾年遲

讀老子

道德五千言
巍巍衆妙門
管窺那見豹
指染僅嘗龜
正爾分章句
誰歟達本源
蜀莊猶不死
過我得深論

世傳莊君

平不死時在人
間猶讀老子

貧病

窮愁病思兩茫茫
衰髮元知合變霜
酒要解醒猶有策

食求祝噎更無方凋零坐上親朋少寂寞人間歲月長
默計有時還自幸幼安垂老始歸鄉

洪雅葛仙硯

探齋中
物作題

異硯出漢嘉溫潤蒼玉質因形作獸背得墨如點漆才
高德亦全終月不更筆壘溪大沱輩

皆蜀硯之
得名者

烏敢相

甲乙從我歸吳中略計將萬日摩拂不去手有若琴在
膝名晦知者稀體重盜計室惟當草太玄不污管商術
冬日讀白集愛其貧堅志士節病長高人情之句

作古風

君子亦有慕不慕要路君子亦有恥不恥賤與貧風
俗未唐虞詩書非一秦展轉不能瞑卧聽雞唱晨

又

天下不難一孰能凝使堅自古功已成或散如飛煙惟
唐用房魏規模三百年至今河潼路過者猶泫然

又

漢甌始外戚唐亂基宦寺小人計已私頗復指他事公

卿恬駭機關河入危涕草茅豈無人死抱經世志

又

成童入鄉校所願為善士富貴本邂逅不遇亦已矣生
輕名義重固守當以死堂堂七尺軀勿使污青史

又

勁風東北來茆屋吹欲裂出門有奇觀湖上千峰雪日
高炊未具歲晚衣百結士豈無一長所要全大節

又

吾常慕昔人石介與王令挑燈讀其文奮起失衰病吾
徒宗六經宗雅必放鄭人衆何足云少忍待天定

又

郊居四十年草木日夜長喬松已偃蓋穉松出蓁莽儒
生學仁義敢廢自培養鬱鬱棟梁姿拔地當百丈

又

仕如柳柳州牋奏典儀曹君恩篤始終賜骸老東臯歷
觀親黨間如我亦已遭世世當斂退里門不須高

又

鏡湖有隱者莫知何許人出與風月遊居與猿鳥鄰似
生結繩代或是葛天民我欲往從之煙波浩無津

又

卜日家祭竈牲肥酒香清分胙雖薄少要是鄰里情衆
起壽主人一觥潏灩傾氣衰易成醉睡覺窗已明

十一月四日夜半枕上口占

小室惓惓夜向分幽人殘睡帶殘醺簷間雨滴愁偏覺

枕畔橙香夢亦聞
驚雁數聲投野澤
悲笳三疊上霜雲
年來萬事俱拋盡
自笑詩中尚策勲

齋中弄筆偶書示子聿

左右琴樽靜不譁
放翁新作老生涯
焚香細讀斜川集
候火親烹顧渚茶
書為半酣差近古
詩雖苦思未名家
一牕殘日呼愁起
裊裊江城咽暮笳

飢寒行

夜寒每達旦
懷抱安得寬
朝飢或過午
忍此良亦難
飢

寒誠吾憂憂有甚飢寒彈琴不終曲推去發永歎大兒
破綠襦三歲待一官小兒學耕稼飯牛歌夜闌老翁垂
八十捫壁行蹢躅傍觀勿嘲笑窮死心所安

病愈小健戲作

路入江村跨蹇驢鞍前分挂兩囊書興來到處沽新酒
不為閒愁要破除

又

入市歸村不跨驢蠅頭細字夜鈔書身安自勝閒官職

不是虛名暗折除

祭竈與鄰曲散福

已幸懸車示子孫
正須祭竈請比鄰
歲時風俗相傳久
賓主歡娛一笑新
雪鬢坐深知敬老
瓦盆酌滿不差貧
問君比夕茅簷底
何似原頭樂社神

湖水愈縮戲作

瓜壟從來幾邵平
鏡湖復有一玄英
今秋雨少煙波窄
堪笑沙鷗也敗盟

夜坐

夜永霜濃睡不成
團圞兒女話無生
金蓮妄想消除盡
一椀松肪徹曉明

夢中作遊山絕句

霜風吹帽江村路
小蹇迢迢委轡行
忽到雲山幽絕處
穿林啼鳥不知名

又

寺樓已斷暮鐘聲
照佛琉璃一點明
不道溪深待船久

老僧驚怪太遲生

大姪挽辭

前知鬱林
州博白縣

束髮已青袍終身州縣勞一官常骯髒萬里忽君蒿竟

負昂霄志空傳擲印豪

君在博白與郡爭辨
職事袖印還之而去

兩疎心不

遂遺恨寄滔滔

書幸

富貴不可為禍機發須臾貧賤不可為飢寒死路衢我
亦貧賤者死期幸少紓春雨兩耕犢西疇破烟蕪秋風

一釣舟南浦宿菰蒲辛勤異退之亦復有屋廬堂北鑿
明窗可以陳琴書文章不傳世自適亦有餘

又

我身匪兕虎豈是曠野物生非洪水時胡為在巢窟向
來三入朝薄命不黔突未嘗識許史况敢交平勃滄波
渺黏天遠逐輕鷗沒今年君恩厚幸許賜骸骨既逃申
公鉗又異卞和別放懷歌鳴鳴寧暇書咄咄

退居

溪煙漠漠弈碁軒
覓水潺潺種藥園
醫為疾平新掃迹
客知睡美罕敲門
談餘白拂懸牀角
飲散空樽臥壁根
賜帛更蒙優老詔
此生何以報君恩

比有詔書賜致仕
官羊酒粟帛丁寧

甚至

北望感懷

滎河溫洛帝王州
七十年来禾黍秋
大事竟為朋黨誤
遺民空歎歲時遒
乾坤恨入新豐酒
霜露寒侵季子裘
食粟本同天下責
孤臣敢獨廢深憂

白髮

蕭蕭白髮濯滄浪，剡曲西南一草堂。
飲水讀書貧亦樂，杜門養病老何傷。
已成五畝扶犁叟，誰記三朝執戟郎。
正似籬邊數枝菊，歲殘猶復耐冰霜。

老歎

事與年俱往，心於世轉疎。
曼膚銷欲盡，鬢髮變無餘。
野店通賒酒，鄰翁伴荷鋤。
尚嗟餘習在，夢課吏鈔書。

作竹籬成因把酒，其間戲題四十字。

今日偶暄暖卧聞林鳥呼雖思大白飲未免小蒼扶柳
色動籬外梅花來座隅夕陽紅滿野更復倒殘壺

新養白雞毛羽如玉殊可愛

赤幘我我玉羽明籬間新織竹籠成老人從此知昏曉
不用元戎報五更

新籬

新籬三面北通門藤架陰中細路分天宇淡青成卵色
水波微皺作靴紋參差村舍穿林出縹渺漁歌隔浦聞

忽覺楚鄉來眼底欲題幽句弔湘君

龜堂雜興

朝來地碓玉新春雞蹠豚肩異味重便腹摩挲更無事
老人又過一年冬

又

曳杖東岡信步行夕陽偏向竹間明丹楓吹盡鴉聲樂
又得霜天一日晴

又

閩溪紙被軟於綿
黎峒花綉暖勝氊
一夜山中三尺雪
未妨老子日高眠

又

三分帶苦檜花密
一點無塵栢子香
鼻觀舌根俱得道
悠悠誰識老龜堂

又

方石斛栽香百合
小盆山養水黃楊
老翁不是童兒態
無奈菴中白日長

又

少年身寄市朝中
俗論紛紛聒耳聾
清絕寧知有今日
高眠終夜聽松風

又

二三隣曲偶相尋
小醉悠然臥竹陰
醒後自看還自笑
溪雲猶未是無心

又

蒲團安坐地爐溫
無位真人出面門
世上不知何歲月

斷鐘殘角送黃昏

又

道妙從來亦麤聞
閉門方用十年勤
筆端小技深知悔
舊橐如山欲盡焚


又

散樸澆淳萬事新
腐儒空有涕沾巾
唐虞不是終難致
自欠臯夔一輩人

劔南詩橐卷四十一

謹案卷四十第十七頁後六行俯觀草木衰按唐
宋詩醇觀作歎

第二十頁後二行黍稷高一丈刊本稊訛林今改
第二十四頁五行烏柏迎霜已半丹刊本柏訛
舊今改



總校官庶吉士臣張能照

校對官庶吉士臣翟槐

謄錄貢生臣王嘉稷

欽定四庫全書薈要

集部

劍南詩藁卷四十二

詳校官助教臣謝登雋



欽定四庫全書薈要卷一萬五千五百三十二

集部

劔南詩藁卷四十二

宋 陸游 撰

已未冬至

老人畏添歲每歎時序速今朝陽始生在易得來復扶

衰奉先祭拜起賴童僕兒曹亦壽我魚兔隨事足歡言

為一醉家釀及新熟占年當得稔

冬至後九日遇
士法當有年

喜笑

動隣曲冀從宿麥始載重車折軸明年秋社時處處饜

酒肉

冬至夜坐作短歌

一陽萌生從此日老人堅坐午達夕渾渾上沂河流黃
赫赫內視神珠赤愛如嬰兒未離乳危若遊絲裊千尺
君不見宣房塞河百萬人一旦潢流由蟻隙

新裁短褐接客以代戎服或以為慢戲作

世事巧相違殘年幸許歸雖云裁兔褐不擬出漁扉拂
石襟期爽搢笻氣力微朝衣猶挂却況遣著戎衣

冬夜

多病睡眠少長閒懷抱清昏燈照殘夢寒漏下高城落
月澹將沒棲禽靜復驚誰言冬夜永輾轉已窓明

書感

壯歲功名妄自期晚途流落鬢成絲臨風畫角曉三弄
釀雪野雲寒四垂金鎖甲思酣戰地皂貂裘記遠遊時
此心炯炯空添淚青史它年未必知

書意

頷霜久矣不勝耘殘髮今年白十分憂國雖忘嫠婦緯
愛君敢進野人芹牀頭酒滴空堦雨爐面香橫出岫雲
已向人間齊物我不教驚起白鷗羣

試茶

強飯年來幸未衰睡魔百萬要支持難從陸羽毀茶論
寧和陶潛止酒詩乳井簾泉方徧試柘羅銅碾雅相宜
山僧剝啄知誰報正是松風欲動時

對酒懷丹陽成都故人

勞生常羨髑髏樂死時却悔生時錯花前有酒不肯狂
回首朱顏已非昨君看古來賢達人終日飲酒全其真
世間萬事竟何有金樽翠杓差闕身放翁少日無凡客
飛觴縱樂皆豪傑清歌一曲梁塵起腰鼓百面春雷發
故人仙去蓬萊宮鸞絲鳳竹醉春風石帆山下孤舟雪
一段清愁付此翁

三山卜居三十有四年矣老身七十有五兒輩亦
頗宦學未為非吉也偶作五字示諸兒

買地不占龜心知百世宜西隣梅福隱南望項王祠
菴小偷僧樣陂長按古規保家無異法一念勿萌欺

村興

身老交情見孫生口數添園丁上牛米村婢博蠶鹽
糶救堆盤白飯餽出釜甜閉門君勿謂衰病正相兼

枕上

迢遞孤村夜淒涼半篆香懷人悲夢短聽雨怯更長
有術乾盤汞無方掃鬢霜高吟擬排悶吟罷更悵悵

得建業倅鄭覺民書言北亂自淮以北民苦徵調
皆望王師之至

邦命中興漢天心大討曹風雲助開泰河渭弋逋逃日
避揮戈勇山齊積甲高煌煌祖宗業只在馭羣豪

雨夜讀書

農家冬少事無地肆吾勤急雨生新健陳編寄一欣高
風感莘渭善治仰華勲老死今朝夕何由誦所聞

夢中作

已未十二月五日夜
作所書皆夢中事也

長隄行盡古河濱
小市人稀霧雨昏
櫪馬垂頭齧菅草
驛門移路避槐根
斷碑零落苔俱徧
漏壁微茫字半存
催喚厨人燎狐兔
強排旅思舉清樽

題傳神

雪鬢蕭然兩頰紅
人間隨處見神通
半醒半醉常終日
非士非農一老翁
櫪驥雖存千里志
雲鵬已息九天風
嶢嶢骨法吾能相
難著凌煙劔佩中

紀懷

未斲要離冢畔雲僧牛得食寄鄉枌修身本欲善吾死
臨事豈忘尊所聞時序管寧親饋奠江山龐老上丘墳
飾巾家簣從來事萬種悠悠莫苦分

新作柴門戲書

雖設常關果是麼開門終日有誰過從來不省多車轍
此際真宜置爵羅尚許漁樵時剝啄偶逢風月亦婆娑
炎炎炙手須臾事也比柴荆較幾何

炊飯

米分齋鉢供薪拾墮巢枝偶爾成幽事欣然慰午飢炊
時珠瀉甌嘗處雪翻匙欲作明朝計還須賣漉籬

愛閒

今日先生病體輕愛閒猶有舊心情帖看貞觀行間印
琴記中郎爨下聲衣焙溫溫香欲透雪簷滴滴日初晴
客來一笑明窓底枉道為農事耦耕

與子聿讀經因書小詩示之

經中固多趣我老未能忘似獲連城璧如傾九醞觴信

能明孔氏何暇傲羲皇努力晨昏事躬行味始長

登東山

老慣人間歲月催強扶衰病上崔嵬生為柱國細事爾
死畫雲臺何有哉熟計提軍出青海未如喚客倒金罍
明朝日出春風動更看晴天萬里開

已未歲暮

七十六年將到時龍鍾猶復強支持寒燈照影始知瘦
薄酒作醒方覺衰春日尚能持冷麤花時未礙挿繁枝

癡頑應有傍觀笑自課園丁補槿籬

冬夜讀書示子聿

官途至耄無餘俸貧悴還如筮仕初
賴有一籌勝富貴
小兒讀遍舊藏書

又

易經獨不遭秦火字字皆如見聖人
汝始弱齡吾已耄
要當致力各終身

又

古人學問無遺力少壯工夫老始成紙上得來終覺淺
絕知此事要躬行

又

簡斷編殘字欲無吾兒不負乃翁書絕勝鎖向朱門裏
整整牙籤飽蠹魚

又

聖師雖遠有遺經萬世猶傳舊典刑白首自憐心未死
夜窓風雪一燈青

又

殘雪初消薺滿園
糝羹珍美勝羔豚
吾曹古本能知此
古學工夫始可言

又

讀書萬卷不謀食
脫粟在傍書在前
要識從來會心處
曲肱飲水亦欣然

又

世間萬事有榮除
自笑羸然七十餘
布被藜羹緣未盡

閉門更讀數年書

幽興

午倦便高枕朝飢美小飧時穿幽圃屐常掩小菴門溪
憶鷗盟約花迷蝶夢魂餘生猶幾許萬事付乾坤

寓歎

眼底誰為耐久朋倚肩按膝一烏藤虛名但可欺橫日
薄俗何時復結繩浮世百年悲冉冉閔身萬事付騰騰
年來更歎龍鍾甚欲探梅花病不能

夢題驛壁

十二月二
十七日夜

半生征袖厭風埃又向關門把酒杯
車轍自隨芳草遠歲華無奈夕陽催
驛前歷歷堠雙雙陌上悠悠人去來
不為途窮身易老百年回首總堪哀

新春

柳淡春初破梅寒瘦不禁羈愁醉後減
睡思雨中深悶試新收硯重尋久廢琴
何時見朋舊細話別來心

庚申元日口號

數行晴日照青鴛
春入屠蘇潑灑樽
兒報山僧留刺去
未為無客到吾門

又

黃紬五丈裁衫穩
黑黍三升作飯香
造物要教無媿怍
一身溫飽出耕桑

又

南陌東阡自在身
耄年喜見歲華新
洛中九老非吾侶
且作山陰十老人

又

晚塗初入長生運
新歲仍當大有年
剝與鄉鄰同覓醉
市樓酒賤不論錢

又

去年迎客已蹒跚
今歲人扶出亦難
堪笑此翁衰到底
重裘絮帽尚言寒

又

仁和館外列鵷行
憶送龍舟幸建康
舍北老人同甲子

相逢揮淚說高皇

視東臯歸

抱耒新湖葑燒畬古廟墟
宦遊悲骭黻歸臥困沉綿
日隱啼鴉戍舟回落鴈天
衰殘知迫死不忍負青編

晚步舍東

遇興穿叢竹尋香折野梅
莫天寒欲雪幽徑綠生苔
栖雀爭枝噪歸牛竝塹來
高城角聲動不盡古今哀

人日東園

歲首未入春風氣已稍和我睡意慵起如此鳴禽何駕
言之東園落梅亦已多江南無堅冰綠池生微波挹彼
蒲萄醅酌我鸚鵡螺雖無絲與竹倚樹自高歌矯首東
南望稽山鬱嵯峨兒曹幸力穡老子得婆娑

逆旅行

古者謂死為歸人此身未死均是客家為逆旅身在途
久寓遽歸初不擇逆旅相看隨薄厚非意相干寧足責
世間何處無谿山得酒盡醉當墮幘傍觀嘲誚亦其宜

東海定非蠡可測

小雨初霽

歸來偶似老淵明
消渴誰憐病長卿
小雨染成芳草色
好風吹斷畫簷聲
剪燈院落晨猶冷
賣酒樓臺晚旋作
一作
放晴莫道此翁遊
興嬾蘭亭禹蕭寺已關情

獨夜

村路泥淹雪虛簷
水結冰長征荷戈客
暫到放包僧
妖鵬鳴高樹
飢鼯觸闇燈
誰能問良苦
衰病正相乘

忍窮

短褐財遮骭孤煙僅續炊
久窮方有味古語不吾欺
堅坐忘昏旦殘年迫耄期
尚餘書滿屋手授付吾兒

開歲半月湖村梅開無餘偶
得五詩以煙溼落梅村為韻

斷岸通別浦孤舟入春煙
與梅本無期忽到醉眼邊
折花插紗帽花重覺帽偏
居人空巷看疑是湖中仙

又

我來梅花村倚杖久佇立惜哉風雨餘零落綠苔溼往
年賦詩人去袂不可執明朝梅亦空感舊百憂集

又

梅花如高人妙在一丘壑林逋語雖工竟未脫纏縛乃
知尤物側天下無傑作老我懷不紓樽前幾開落

又

斗柄忽東指開盡湖邊梅偉觀天下無四顧雪千堆時
至當歛退勿受曉角催安知桃李輩於子無嫌猜

又

昨日春已來
盎盎滿江村
落梅亦多情
點點浮清樽
語離聊一醉
不恨村酒渾
人生共如此
已矣兩忘言

老病

湖上歸耕一病翁
此心非復少年同
讀書初恨歲時速
聞道始知身世空
匠石不能材社櫟
弋人何意慕冥鴻
新春愈覺支離甚
又付生涯藥餌中

三二年來夜夢每過吾廬之西一士友家觀書飲

酒方夢時亦自知其為夢也

西鄰好友工談笑每見明知是夢中樽酒不空書滿架
何時真得與君同

又

清言疊疊岸綸巾久矣吾遊無若人自怪夢中來往熟
抱琴攜酒過西鄰

上元雨

城中酒壚千百所不憂不售惟憂雨今年上元燈滿城

曲巷深坊鬧歌舞天公不借一日晴風吹燈死雨如傾
家家移牀避屋漏不聞人聲聞屐聲

雜興

造物棄除理固然許將窮悴博頑堅驥衰伏櫪心千里
龜冷搯牀壽百年好事時供沽酒費擁途爭笑插花顛
漁村宿願雖償盡猶恨僧房欠晝眠

又

散髮林間萬事輕夢魂安穩氣和平只知秋菊有佳色

那問荒雞非惡聲達士招呼同嘯傲
福人分付與功名
一篇悟盡逍遙理始信蒙莊是達生

初春書喜

我生本癡絕萬事不繫懷一朝蛻形去豈問棄與糞遊
宦三十年所向無一諧偶然有天幸自退非人排黃紙
如鴉字君恩賜殘骸剡溪回雪舫雲門散青鞵兩犢掀
春泥一鉢隨午齋更當擁布被高枕聽鳴蛙

幽居無一事戲作

長鬚僅有玉川奴，禿尾猶無漫漢驢。
萬事已隨春枕斷，故人何啻曉星疎。
出粲微雨鉏畬粟，歸傍荒畦擷野蔬。
一字不看方睡美，任人搜去帳中書。

贈道流

煙雲深處作生涯，回首人間歲月賒。
留得朱顏憑綠酒，掃空白髮賴丹砂。
七弦指下泠泠久，雙袖風中獵獵斜。
他日相尋不知處，會從漁父問桃花。

病中作

牀席呻吟裏，衡茅隱約中。空興年往歎，未著日新功。世
遠言猶在，身危道豈窮。但能無媿怍，天地本來公。

病愈偶書

枯蓬萬里寄飄風，晚落江頭號放翁。冉冉流年秋鏡裏，
悠悠殘夢曉笳中。掃除藥裏病良已，棄置酒杯愁自空。
閒處固應容老子，臥看年少起新豐。

小圃獨酌

少時裘馬競豪華，豈料今為老圃家。數點霏微社公雨，

兩叢閒淡女郎花詩成枕上常難記酒滿街頭却易賒
自笑邇來能用短只將獨醉作生涯

飯罷戲示鄰曲

今日山翁自治厨嘉穀不似出貧居白鵝肉美加椒後
錦雉羹香下豉初箭茁脆甘欺雪菌蕨芽珍嫩壓春蔬
平生責望天公淺捫腹便便已有餘

春日

開盡梅花柳漸青東風又滿會稽城放翁晨起有佳思

姪姹林鶯初試聲

又

方池潏潏碧波平
曲徑纖纖細草生
席地幙天君但醉
苦無多日是清明

又

桃花輕薄柳花狂
蛺蝶翩翩燕子忙
惟有龜堂無一事
閉門白日不勝長

又

巷口東風吹酒旗，老人也惜早春時。
雨來三日泥沒踝，過盡梅花渾不知。

又

雪山萬疊看不厭，雪盡山青又一奇。
今代江南無畫手，矮牋移入放翁詩。

又

怕見公卿嬾入城，野橋孤店跨驢行。
天公遣足看山願，白盡髭鬚却眼明。

新晴野步

吹盡浮雲旋作晴
郊原高下水縱橫
煙蕪漫漫如漆色
谷鳥關關已變聲
迨酒賤時須痛飲
得人扶處儘閒行
隔湖遙指蘭亭路
隣叟追隨羨眼明

湖上作

鵝兒涇口曉山橫
蜻蜓港頭春水生
蘭亭之北是茶市
柯橋以西多舫聲

又



東涇西涇花極望紅雲照波錦裏山路似掌平身自倦
酒如土賤篋常慳

夜行過一大姓家值其樂飲戲作

村豪聚飲自相歡燈火歌呼闌夜闌醉飽要勝飢欲死
看渠也復面團團

枕上作

水漲池新滿山寒屋儘低愁多憎夜雨睡少喜晨雞社
肉初分胙春蕪已再犁明朝尋父老不怕蹋街泥

又

山雨蕭蕭過沙泉咽咽流夢中無遠道醉裏失孤愁貧
賣相如騎寒思季子裘兒童報新霽裹飯出門遊

悽悽行

悽悽重悽悽惻惻復惻惻我媿思曠傍人誰予思惻興
邦在人材巖穴當物色如何清廟器老死山南北小儒
雖微陋一飯亦憂國豈無一得愚欲獻懼非職

春薺

食案何蕭然春蘇花若雪從今日老硬何以供采擷山
翁垂八十忍貧心似鐵那須萬錢筋養此三寸舌輒炊
香杭飯幸免煩祝噎一瓢亦已泰陋巷時小啜

畬客

人生各有營為吏最無策其間小黠者但肯棄下澤絕
筆光範書掃迹翹才客早收畏塗身未老歸阡陌嗟予
昧擇術誤計真累百衰病始知悔泯默每自責孤舟寄
渺莽尚恨江湖迤客來勿多談窮命不禁嚇

閔中自詠

小艇上時皆綠水
短筇到處即青山
二十四考中書令
不換先生半日閒

又

聲名本自不關身
富貴原知與禍隣
但恨平生閒不足
再來真作臥雲人

甲申雨

老農十口傳為古
春遇甲申常畏雨
風來東北雲行西

雨勢已成那得禦山陰
洪湖二百歲坐使膏腴成瘠鹵
陂塘遺迹今悉存歎息當官誰可語
甲申畏雨古亦然湖之未廢常豐年
小人那知古來事不怨豪家惟怨天

今歲遊花涇差晚戲作

滿地殘紅點綠苔
花涇弭棹小裴回
春風又作匆匆別
老病無端滾滾來
亦悟百窮緣骯髒
終羞萬事學低摧
吾文自欲忘憂耳
那博人間水一杯

枕上口占

五十年前詩酒身山陰風月尚如新
閒愁已是無
闌障
一枕春寒更惱人

又

蹋雨敲門覓季夷
襏毼同和仲高詩
回思五十年前事
恰似今宵夢裏時

又

五十年間萬事空
嬾將白髮對青銅
故人只有桃花在
惆悵無情一夜風

贈謝正之秀才

君家麻源第三谷我在鏡湖分一曲平生夢亦不相接
忽然懷中瀉珠玉誠齋老子主詩盟片言許可天下服
長歌為君定聲價賞音但須一夔足蹋泥過我君豈誤
拱壁何至求凡目只愁明日遽來索北窗連夜挑燈讀
連日往來湖山間頗樂即席有作

晚春光景亦佳哉野老蒼顏一笑開莫問此生猶幾履
但知相遇且銜杯偶攜兒女祈蠶去又逐鄉隣賽麥回

不信年華如轉轂城頭君聽角聲哀

贈猫

鹽裹聘狸奴常看戲座隅時時醉薄荷夜夜占穠瑜鼠
穴功方列魚殮賞豈無仍當立名字喚作小於菟

歎老

小築依林藪殘年迫耄期衣寬方覺瘦步蹇始悲哀食
飲常多忌方書動自隨園花幾分在睡起問吾兒

殘春

章甫從諸老今為兩世人惟書尚開眼非酒孰闢身遠
水涵清鏡晴雲盛細鱗籬邊花未盡作意醉殘春

東村

雨霽山爭出泥乾路漸通稍從牛屋後却過鶴巢東決
沙溝水翻翻麥野風欲歸還小立為愛夕陽紅

晚步舍北歸

昨日海棠開今朝燕子來偶行沙際去却傍柳陰回酒
是治愁藥書為引睡媒吾生不乏此外物信悠哉

記夢

夜夢遊名山翠壁開巖扉主人喜迎客劇談皆造微下
臨萬里空渺渺一鶴飛安得棄家去丹竈常相依

寄題揚州九曲池

清汴長淮莽蒼中揚州畫戟擁元戎南連近甸觀秋稼
北撫中原掃夕烽茶發蜀岡雷殷殷水通隋苑月溶溶
懸知帳下多豪傑一醉何因及老農

投老

授老百無成山林送此生薄才元易盡古道竟難行陋
巷牛羊迹衡門鳥雀聲新年幸差健作意事春耕

茅亭

終日坐茅亭蕭然倚素屏兒圓點茶夢客授養魚經馬
以鳴當斤龜緣久不靈詩成作吳詠及此醉初醒

貧甚賣常用酒杯作詩自戲

桃李成塵渾不數海棠也作臘脂雨清明未到春已空
枝上流鶯替人語逢春日日合醉歸莫笑典衣窮杜甫

生時不肯澆舌本死後空持酹墳土門前三百里湖光
天與先生作醉鄉銀杯羽化不須歎多錢使人生窟郎
春晚泛湖歸偶賦

十日雨晴湖水深暖催新綠上橫林分泥海燕穿花徑
帶犢吳牛倚柳陰夏近漸低遊舫價日斜殊費寺樓吟
歸來支枕還無事一縷微煙看水沉

劔南詩豪卷四十二